

आकाशवाणी

खबरां -----

1. गृह मंत्री अमित शाह होरें अज्ज लेह च तथागत बुद्ध हुंदे पवित्तर अवशेष नमैश दा उद्घाटन कीता।
2. सरकार नै नागरिकता (संशोधन) नियम 2026 गी अधिसूचित कीता ऐ।
3. सरकार दा आखना ऐ जे ग्रेट निकोबार परियोजना ऐसी मिसाल ऐ जिनें एहू दस्सेआ ऐ जे कियां पूरा-पराता बहुमुखी विकास आर्थिक बाद्दे कन्नै तालमेल बनाई सकदा ऐ।
4. पच्छिम बंगाल दे मुख् चुनां अधिकारी नै मुख्मंत्री ममता बनर्जी हुंदे मतगणना केंद्रें पर धांधली दे आरोप गी निराधार दस्सेआ।
5. विपक्ष नै पंजाब दे मुख्मंत्री भगवंत मान हुंदे पर सदन च नशे दी हालत च आने दा आरोप लाया, जांच दी कीती मंगा।
6. झारखंड थमां 7 बरें दा जागत पार्क स्ट्रेट तय समें अंदर पार करने आला सभनें शा निक्की उम्री दा तैराक बनेआ।

<><><><><><>

Amit Shah-Buddha-Purnima

बुद्ध पूर्णिमा दे मौके पर गृह मंत्री अमित शाह होरें अज्ज लेह दे जीवत्सल च तथागत बुद्ध हुंदे पवित्तर अवशेष नमैश दा अज्ज उद्घाटन कीता। इस मौके पर लद्दाख दे उपराज्यपाल विनय कुमार सक्सेना, सांसद मोहम्मद हनीफ ते बक्ख-बक्ख मठें दे रिनपोचे मौजूद हे। इस पवित्तर अवशेषें गी देसै दे अंदर कुसै नमैश आस्तै उंदे स्थाई निवास थमां पहली बारी बाहर आंदा गेआ ऐ। पवित्तर अवशेषें दी एहू

नमैश 14 मई तगर लद्दाख च आयोजित कीती जा'रदी ऐ। अज्ज बुद्ध पूर्णिमा मनाई जा'रदी ऐ। एह ना शडा उस ध्याडे गी दस्सदी ऐ, जदूं गौतम बुद्ध हुंदा जन्म होआ हा, सगुआं एह ओह दिन बी ऐ, जदूं उनेंगी बिहार दे बोधगया च महाबोधि बूटे हेठ महापरिनिर्वाण हासल होआ हा। एह ध्याडा समूलची दुनिया च बोद्ध ते हिंदु मनांदे ना। राष्ट्रपति द्रोपदी मुर्मू, प्रधानमंत्री नरेंद्र मोदी, केंद्री गृह मंत्री अमित शाह ते लोकसभा स्पीकर ओम बिरला होरें बुद्ध पूर्णिमा दे मौके पर देसै दे बसनीकें गी शुभकामनां दित्तियां ना।

<><><><><><>

Greetings

राष्ट्रपति द्रोपदी मुर्मू होरें देशवासिएं गी बुद्ध पूर्णिमा दे माके मुबारकबाद दित्ती ऐ। अपने सनेय च राष्ट्रपति होरें आखेआ जे पवित्तर ध्याडा भगवान बुद्ध हुंदे धरती पर अवतरित होने ते ज्ञान ते महापरिनिर्वाण दे रूप च मनाया जंदा ऐ। उनें जोडेआ जे अहिंसा, शांति, ज्ञान ते समसरता दा उंदा संदेश म्हेशा इंसानियत दा मार्गदर्शन करदा रौह्ग। उनें आखेआ जे अज्ज दे समें च हर इक बथेरी चुनौतिएं दा सामना करा'रदा ऐ ते भगवान बुद्ध हुंदी शिक्षा हर इक गी शांति, सहनशीलता ते आपसी प्रेम दे रस्ते पर चलना सिखांदी ऐ।

<><><><><><>

Govt. Bill

स्रकार नै नागरिकता (संशोधन) अधिनियम, 2026 गी अधिसूचित करी दित्ता ऐ। एह्दे तैहत ओसीआई कार्ड पंजीकरण हुन पूरी चाल्ली डिजिटल होग। नमें नियमें च ई.ओसीआई, बायोमेट्रिक आधारित फास्ट ट्रैक् इमिग्रेशन ते नाबालिग आस्तै दोहरे पासपोर्ट पर पाबंदी ज्नेह प्रावधान षामल ना। गृह मंत्रालय नै नागरिकता अधिनियम 2009 च संशोधन कीते ना। इस बदलाव दा उद्देश्य

प्रक्रियाएं गी असान, पारदर्शी ते तेज बनाना ऐ। मंत्रालय नै आखेआ ऐ जे कोई बी नाबालिग बच्चा भारती पासपोर्ट दे कन्त्रोकन्त्री कुसादुए देश दा पासपोर्ट नेई रक्खी सकदा ऐ।

<><><><><><>

Labour Day

दुनिया भरै दे श्रमिकें दे योगदान गी सम्मानत करने लेई अज्ज अंतराष्ट्री मजदूर दिवस मनाया जा”रदा ऐ। इसगी मई दिवस दे नांऽ कन्नै बी जानेआं जंदा ऐ। इस दिन दा मकसद पूरी दुनिया च आर्थिक ते सामाजिक अधिकारें गी हासल करने च श्रमिकें दे बलिदान गी नमन करना ऐ। 1886 च अमरीका च मजदूरें दा इक बड्डा प्रदर्शन होआ जेहदे च उ’नें रोजमर्रा दे अट्ट घंटे कम्म करने दी मंग कीती। शिकागो च इस प्रदर्शन ने इक बड्डा रुप लेई लेया ते इस प्रदर्शन दरान केई लोक घायल बी होए हे। इस घटना गी The Haymarket Affair दे नांऽ कन्नै बी जानेया गया ते इस कन्नै गै अंतराष्ट्री मजदूर दिवस दी शुरुआत होई।

<><><><><><>

IFFI

मशहूर फिल्म निर्माता आशुतोश गोवारिकर होरें गी अंतरराष्ट्री फिल्म महोत्सव इंटरनेशनल फिल्म फेस्टिवल ऑफ इंडिया दे 57में संस्करण आस्तै फेस्टिवल डरैक्टर बनाया गेआ ऐ। एहू महोत्सव गोवा च होआ। गोवारिकर होरें आखेआ जे एहू उंदे आस्तै बड़े मान ते खुशी दी गल्ल ऐ जेडा इस उच्चे दर्जे दे महोत्सव च निदेशक दी जिम्मेदारी उनेंगी दिती गेई। उनें जोडेआ जे 1952 थमां चली आवारदी रिवायत गी अगगे बदांदे होई कर्ट फिल्म टीमां जिम्मेदारी दे नमें एहसास कन्नै एहदे च षामल हुंदियां न। उनें सूचना ते प्रसारण मंत्रालय ते गोवा सरकार कन्नै रलिए कम्म करने आस्तै बचनबद्धता दा इजहार कीता।

<><><><><><>

Great Nicobar Project

सरकार नै आखेआ ऐ जे ग्रेट निकोबार परियोजना इस चीज दा मिसाल ऐ जे कियां समावेशी ते पूरा-पराता विकास आर्थिक बाढ़े, पर्यावरण संरक्षण ते सामाजिक समावेश कन्नै तालमेल बनाई सकदा ऐ। इस परियोजना तैहत ग्रेट निकोबार दी रणनीतिक थाहें गी भारती राष्ट्री सुरक्षा, समुंद्री सीमाएं ते भारत प्रशांत च रक्षा मौजूदगी गी मजबूत बनाने आस्तै इस्तेमाल कीता गेआ ऐ। दुई बक्खी पर्यावरण दी सुरक्षा ते जनजातीय कल्याण गी बी पूरी तरजीह दिती गई ऐ। एह्दे च ग्रीनफील्ड अंतरराष्ट्री ब्हाई अड्डा इक 450 एमवीए दा गैस सौर उर्जा संयंत्र ते योजना तैहत टाउनशिप शामिल ऐ।

<><><><><><>

CEO-West Bengal

पच्छिम बंगाल दे मुख् चुनां अधिकारी मनोज अग्रवाल होरें मुख्मंत्री ममता बनर्जी हुंदे आसेआ मतदान गणना केंद्र च धांधली दे कथित आरोपें गी निराधा दस्सेआ ऐ। आकाशवाणी कन्नै इक खास साक्षात्कार च उनें आखेआ जे सारें मतगणना केंद्र पर सीसीटीवी कैमरों दा प्रबंध कीता गेदा ऐ ते सुरक्षा गी पक्का करने आस्तै केंद्री बलें गी तैनात बी कीता गेआ ऐ। कुसा बी शिकायत गी तय कीती गेदी प्रणाली जरिए दर्ज कराया जाई सकदा ऐ। उनें दस्सेआ जे वोट गिनतरी दे बाद हिंसा कन्नै निब्वडे आस्तै चुनां आयोग सौर जत्त करा करदा ऐ। कुसा-कुसा थाहर पर किश घटनाएं मगरा दो लोकें गी गिरफ्तार कीता गेआ ऐ। जंदी रातीं तृणमूल कांगेसन नेता ते मुख्मंत्री ममता बनर्जी होरें शेखावत मेमोरियल स्कूल, कोलकाता दे स्ट्रांग रूम दा दौरा कीता ते आरोप लाया जे मतदान ते मतगणना बश्कार 4 दिनें दा फासला जानी बुझिये वोटिंग मशीनें कन्नै छेड़छाड़ आस्तै रखेआ गेआ ऐ।

<><><><><><>

MEA-African

विदेशी मामलें दे राज्यमंत्री कीर्ति वरधान सिंह होर अफ्रीकी संघ आयोग दे प्रतिनिधिमंडल कन्नै मिलियां। इस प्रतिनिधिमंडल दी अध्यक्षता ए.यू. स्थाई प्रतिनिधित्व कमेटी दे अध्यक्ष ते बुरुंडी दे राजदूत विली न्यामित्वे होरें कीती। इक सोशल मीडिया पोस्ट च मंत्री होरें आखेआ जे उंदी बहुमुखी समझौते ते होरनें आले IAFS-IV दी तैयारिएं बारै तफसीली चर्चा होई। भारत-अफ्रीका सांझेदारी दक्खन सहयोग दा मजबूत आधार ऐ।

<><><><><><>

MP-Cruise

मध्य प्रदेश दे जबलपुर च कूज बोट पलटोने दे हादसे च मरने आहलें दी गिनतरी 9 पुज्जी गई ऐ। एह वाक्या कल संज्ञा पेश आया जिसलै इक कूज बोट तूफान दी चपेट च आई गई। एहदे च 39 लोक सवार हे। कूज बोट खमारिया टापू दे कोला बारगी दरिया च डुब्बी गई। 24 सवारिएं गी सुरक्षित बचाई लैता गेआ ऐ ते 4 सैलानी अजें बी लापता न। 20 फुट दी गहराई च डुब्बी दी कूज बोट गी बाहर कड्डी लैता गेआ ऐ। एसडीआरएफ, पुलिस ते होम गार्ड दियां टीमां रलिये राहत बचाव दे कम्म च लग्गी दियां न। सारे वरिष्ठ अधिकारी अतिरिक्त मुख सचिव, डिविजनल कमिशनर, कलेक्टर ते एस.पी सने मौके पर मौजूद हे। प्रधानमंत्री नरेंद्र मोदी होरें इस हादसे च होए दे जानी नुकसान पर दुख जाहिर कीता ऐ। इक सोशल मीडिया पोस्ट च प्रधानमंत्री होरें आखेआ जे मकामी प्रशासन प्रभावित लोकें दी मदद च लग्गे दा ऐ।

<><><><><><>

UPI

Unified payments Interface-UPI पैसे दे भुगतान आस्तै दुनिया दा सबनें शा ड़ा जरिया बनिए उभरेआ ऐ जेदे कन्नै भारत दी अर्थवस्था च बाढ़ा होआ'रदा ऐ। यूपीआई दे शुरू होने दे 1 दाहके मगरा वैश्विक स्तर पर पैसे दे लैन-देन आस्तै अद्दी आबादी इसी गै इस्तेमाल करदी ऐ। 1 अप्रैल 2016

गी शुरू होई दी यूपीआई अज्ज भारत दी डिजिटल अर्थबवस्था दी रीढ़ दी हड्डी बनी चुकी दी ऐ। पैहले महीने च सिर्फ 373 transactions कोला लेइयै इस प्लैटफार्म पर माली बरे 2025-26 च 24 ज्हार 162 करोड़ transactions होइयां न।

<><><><><><>

Indian-Oil

इंडियन आयल कारपोरेशन लिमिटेड नै आखेआ ऐ जे पेट्रोल ते डीजल दियें परचून कीमतें च कोई बदलाव नेई होआ ऐ। देसै दी कुल खपत च आम जनता दी हिस्सेदारी तकरीबन 90 प्रतिशत ऐ। कंपनी नै दस्सेआ ऐ जे निर्धारित डोआरिएं च लग्गी दियें घरेलू एयरलाइनें लेई विमानन टरबाइन ईंधन पीडीएस ते केरोसिन दियें कीमतें च बी कोई बदलाव नेई होआ ऐ। ब्यानै मताबक भाएं च तरमीम किश चुनिंदा औद्योगिक क्षेत्रें तगर गै सीमित न जिंदी कुल खपत च घट्ट गै हिस्सेदारी ऐ ते इंदे च अंतरराष्ट्रीय कीमतें दी बिनाह पर उप्परोतली हर महीने घटाया बदाया जंदा ऐ।

<><><><><><>

GST-Collection April

इस बरै अप्रैल महीने च चीजां-बस्तां ते सेवा कर जीएसटी दी कुल जमा रकम अजें तगर दे सब्भनें शा उच्चे स्तर पर दर्ज कीती गई ऐ। एहू जंदे बरे दी इससै अवधि दे मुकाबले च 8 दशमलव 7 प्रतिशत बढ़ ऐ। कुल GST संग्रह 2 लख 42 ज्हार करोड़ रुपें शा बढ़ रेया, जिल्ले के जंदे बरै इससै महीने च एहू 2 लख 23 ज्हार करोड़ रुपे शा बढ़ हा। जंदे बरै अप्रैल महीने केंद्री GST दी कुल जमा रकम 52 ज्हार करोड़ रुपें शा बढ़ ते राज्य दा GST 61 ज्हार 300 करोड़ रुपें शा बढ़ रेया। कुल एकीकृत जीएसटी I.G.S.T संग्रह 1 लख 298 ज्हार 232 करोड़ रुपे ऐ।

<><><><><><>

Punjab-Assembly Session

ਪੰਜਾਬ ਚ ਵਿਧਾਨਸਭਾ ਦੇ ਖਾਸ ਸत्र ਚ ਅੱਜ ਵਿਪਕਸ਼ ਨੈ ਮੁਖਮੰਤਰੀ ਭਗਵੰਤ ਮਾਨ ਹੁੰਦੇ ਪਰ ਸਦਨ ਚ ਨਸ਼ੇ ਦੀ ਹਾਲਤ ਚ ਆਨੇ ਦਾ ਆਰੋਪ ਲਾਯਾ। ਸ਼ਹਾੜੇ ਸੰਵਾਦਦਾਤਾ ਨੈ ਜਾਨਕਾਰੀ ਦਿੱਤੀ ਏ ਜੇ ਵਿਪਕਸ਼ੀ ਦਲ ਦੇ ਨੇਤਾ ਪ੍ਰਤਾਪ ਸਿੰਘ ਬਾਜਵਾ ਨੈ ਵਿਧਾਨਸਭਾ ਚ ਮੰਗ ਕੀਤੀ ਜੇ ਏਹ ਸਾਰੇ ਵਿਧਾਯਕ ਏਲਕੋਹਲ ਮੀਟਰ ਟੇਸਟ ਕਰਾਨ। ਬਾਚ ਸਪੀਕਰ ਗੀ ਇਕ ਚਿੱਠੀ ਚ ਉਨੇਂ ਮੁਖਮੰਤਰੀ ਤੇ ਦੁਏ ਸਾਰੇ ਵਿਧਾਯਕੇਂ ਦਾ ਏਲਕੋਮੀਟਰ ਤੇ ਡੋਪ ਟੇਸਟ ਕਰਾਨੇ ਆਸ਼ਟੈ ਆਖੇਆ ਏ।

<><><><><><>

Swimming-Record

ਝਾਰਖੰਡ ਦਾ ਇਕ 7 ਬਰੇਂ ਦਾ ਜਾਗਤ ਪਾਲਕ ਸਟ੍ਰੋਟ ਪਾਰ ਕਰਨੇ ਆਲਾ ਸਭਨੇਂ ਸ਼ਾ ਨਿਕੀ ਉਮੀ ਆਹਲਾ ਤੈਰਾਕ ਬਨੀ ਗੇਆ ਏ ਜਿਨੈਂ ਸ਼੍ਰੀਲੰਕਾ-ਭਾਰਤ ਬਸ਼ਕਾਰ 29 ਕਿਲੋਮੀਟਰ ਦਾ ਫਾਸਲਾ ਰਿਕਾਰਡ ਸਮੰ ਚ ਤਧ ਕੀਤਾ। ਇਸ਼ਾਂਕ ਸਿੰਘ ਜਮਾਤ 3 ਦਾ ਛਾਤਰ ਏ ਜਿਨੈਂ ਸ਼੍ਰੀਲੰਕਾ ਦੇ ਤਲਾਇੰਮਨਾਰ ਥਮਾਂ ਧਾਨੁਸ਼ਕੋਡੀ ਤਮਿਲਨਾਡੂ ਤੋਡਘੀ 9 ਘੰਟੇ 50 ਮਿੰਟੇਂ ਚ ਤਾਰੀ ਮਾਰਿਏ ਫਾਸਲਾ ਤਧ ਕੀਤਾ। ਇਸੀ ਯੂਨਿਵਰਸਲ ਰਿਕਾਰਡ ਫੋਰਮ ਚ ਦਰਜ ਕੀਤਾ ਗੇਆ ਏ।

<><><><><><>

Nadda NIPER

ਕੇਂਦਰੀ ਸੇਹਤ ਤੇ ਪਰੋਆਰ ਕਲਿਆਣ ਮੰਤਰੀ ਜੇ.ਪੀ ਨਡੂ ਹੋਰੇਂ ਦਵਾਇਂ ਬਾਰੈਂ ਸ਼ਿਕਸ਼ਾ ਤੇ ਸ਼ੋਧ ਦੇ ਰਾਸ਼ਟਰੀ ਸੰਸਥਾਨ ਨੇਸ਼ਨਲ ਇੰਸਟੀਚੂਟ ਆਫ਼ ਫਾਰਮਾਸਿਊਟਿਕਲ ਏਜੂਕੇਸ਼ਨ ਏਂਡ ਰਿਸਰਚ ਮੋਹਾਲੀ ਦਾ ਅੱਜ ਦੌਰਾ ਲਾਯਾ। ਇਸ ਦੌਰੇ ਦਾ ਮਕਸਦ ਦੋਆਇਏਂ ਸਰਬੰਧੀ ਪਛਾਇ, ਨਮੇਪਨ ਤੇ ਬਾਯੋ ਫਾਰਮਾਸਿਊਟਿਕਲ ਕਸ਼ੇਤਰ ਚ ਸ਼ੋਧ ਤੇ ਵਿਕਾਸ ਗੀ ਮਜ਼ਬੂਤ ਬਨਾਨੇ ਦੇ ਧੇਇਏਂ ਗੀ ਜਾਰੀ ਰਖਨਾ ਹਾ। ਮੰਤਰੀ ਹੋਰੇਂ ਛਾਤਰੇਂ ਕਸ਼ੈਂ ਗਲਲਬਾਤ ਬੀ ਕੀਤੀ। ਮੰਤਰੀ ਹੋਰੇਂ ਗੀ ਸੰਸਥਾਨ ਦੇ ਨਜਰਿਏ, ਮੁਖ਼ ਕਾਰਯਵਾਹੀ ਸੂਚਕਾਂਕ ਤੇ ਰਣਨੀਤਿਕ ਰੋਡਮੈਪ ਬਾਰੈਂ ਨਿਦੇਸ਼ਕ ਪ੍ਰੋ. ਦੁਲਾਲ ਪਾਂਡਾ ਹੋਰੰ ਜਾਨਕਾਰੀ ਦਿੱਤੀ।

<><><><><><>

IIT-Drones

इक महत्वपूर्ण तकनीकी सफलता हासल करदे होई भारती प्रौद्योगिकी संस्थान IIT जम्मू ने भारती सेना दी बदलदी परिसंचालन जरूरतें गी पूरा करने लेई उन्नत ड्रोन विकसत कीते न। एह अगली पीढ़ी दे ड्रोन न- छड़े रडार दी दृश्यता गी घट्ट नेई करोग, सगुआं दुशमनें आसेया अवरोधन दी संभावना गी बी घट्ट करी सकोग। साहडे जिला संवाददाता जम्मू राही कपूर होरें दस्सेआ जे ड्रोन दा सफल परीक्षण होई गया ऐ।

<><><><><><>

Read by: Pooja Wazir

Composed by : Varinder Sharma

Editor : Yogesh Kumar